



ՇՐՋԱԿԱ ՄԻՋԱՎԱՅՐԻ ՆԱԽԱՐԱՐՈՒԹՅՈՒՆ
Հ Ր Ա Մ Ա Ն

« 16 » « *ապրիլ* » 2021 թ. № *126-Ն*

**ՇՐՋԱԿԱ ՄԻՋԱՎԱՅՐԻ ՆԱԽԱՐԱՐԻ 2020 ԹՎԱԿԱՆԻ ՆՈՅԵՄԲԵՐԻ 24-Ի N 449-Ա
ՀՐԱՄԱՆՈՒՄ ԼՐԱՑՈՒՄ ԿԱՏԱՐԵԼՈՒ ՄԱՍԻՆ**

Ղեկավարվելով «Նորմատիվ իրավական ակտերի մասին» օրենքի 33-րդ հոդվածով և հիմք ընդունելով վարչապետի 2018 թվականի հունիսի 11-ի N745-Լ որոշման 18-րդ կետի 20-րդ ենթակետը.

Հ Ր Ա Մ Ա Յ ՈՒ Մ Ե Մ՝

1. Շրջակա միջավայրի նախարարի 2020 թվականի նոյեմբերի 24-ի «Շրջակա միջավայրի նախարարության գործադարության կարգը հաստատելու և Հայաստանի Հանրապետության բնապահպանության նախարարի 2017 թվականի հուլիսի 13-ի N225-Ա հրամանն ուժը կորցրած ճանաչելու մասին» N 449-Ա հրամանի հավելվածը լրացնել հետևյալ բովանդակությամբ նոր XI-րդ գլխով.

**«XI. ՇՐՋԱԿԱ ՄԻՋԱՎԱՅՐԻ ՆԱԽԱՐԱՐՈՒԹՅԱՆ ԱՆՎԱՆՄԱՄԲ ԵՎ ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ ԶԻՆԱՆՇԱՆՈՎ ՈՒ ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐՈՒԹՅԱՆ ՔԱՐՏՈՒՂԱՐՈՒԹՅԱՆ ԱՆՎԱՄԲ ԿՆԻՔՆԵՐՈՎ,
ԴՐՈՇՄԱԿՆԻՔՈՎ ԿՆՔՄՈՒՄԸ ԵՎ ԴԻԱՆՑ ՊԱՀՊԱՆՈՒՄԸ**

134. Շրջակա միջավայրի նախարարության անվանմամբ Հայաստանի Հանրապետության զինանշանի պատկերով կլոր կնիքով կնքվում են շրջակա միջավայրի նախարարի, նախարարի տեղակալների և գլխավոր քարտուղարի կողմից ստորագրվող փաստաթղթերը, այդ թվում ստորագրված ֆինանսական փաստաթղթերը:

135. Շրջակա միջավայրի նախարարության անվանմամբ և Հայաստանի Հանրապետության զինանշանով կլոր կնիքը պահվում է շրջակա միջավայրի նախարարության գլխավոր քարտուղարի մոտ:

136. Շրջակա միջավայրի նախարարության քարտուղարության անվամբ կլոր կնիքով վավերացվում են նախարարության աշխատակիցների ստորագրությունները, կնքվում են առաքվող ծրարները:

137. Շրջակա միջավայրի նախարարության քարտուղարության անվամբ կլոր կնիքը և մուտքագրվող գրությունների համար նախատեսված դրոշմակնիքը պահվում են շրջակա միջավայրի նախարարության քարտուղարության պետի մոտ:

138.Շրջակա միջավայրի նախարարության անվանմամբ Հայաստանի Հանրապետության զինանշանի պատկերով կլոր կնիքի և շրջակա միջավայրի նախարարության քարտուղարության անվամբ կլոր կնիքի ու դրոշմակնիքի պատասխանատու պաշտոնատար անձի բացակայության դեպքում դրանք հանձնում է իրեն փոխարինող անձին:»:

ՆԱԽԱՐԱՐ

Ռ. ՊԵՏՐՈՍՅԱՆ

4/16/2021

X 

ՌՈՄԱՆՈՍ ՊԵՏՐՈՍՅԱՆ

Signed by: PETROSYAN ROMANOS 3608790012

«16» ապրիլի 2021թ.
ք. Երևան